

Broj: 11-17-418/25
Sarajevo, 01.07.2025.

Na osnovu člana 64. stav 1) tačka b, člana 70. st. 1), 3) i 6) Zakona o javnim nabavkama („Službeni glasnik BiH“, broj 39/14, 59/22 i 50/24), a na Preporuku Komisije za javnu nabavku broj: 11-17-498/25 od 24.06.2025. godine, u postupku javne nabavke putem konkurentskog zahtjeva – nabavka usluge čišćenja i održavanja službenih prostorija Javne ustanove Federalna novinska agencija u Mostaru, zamjenik direktora Javne ustanove Federalna novinska agencija na usaglašen stav sa direktorom, d o n o s i

O D L U K U

o izboru najpovoljnije ponude putem konkurentskog zahtjeva za nabavku usluge čišćenja i održavanja službenih prostorija Javne ustanove Federalna novinska agencija u Mostaru

Član 1.

Prihvata se preporuka Komisije za javne nabavke, broj: 11-17-498/25 od 24.06.2025. godine te se Ugovor za nabavku usluge čišćenja i održavanja službenih prostorija Javne ustanove Federalna novinska agencija u Mostaru, dodjeljuje ponuđaču:

EUROSAN D.O.O. MOSTAR, ID broj: 4227197420005, za ponuđenu cijenu od 4.784,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka uputit će se ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama i članom 71. stav 2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-330/25 od 27.05.2025. godine.

Javna nabavka je sprovedena putem konkurentskog zahtjeva za dostavljanje ponuda.

Obavještenje o nabavci broj: 14753-7-2-94-3-21/25 objavljeno je dana 27.05.2025. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 32/25 od 30.05.2025. godine.

Ukupna procijenjena vrijednost javne nabavke bez PDV-a je 4.800,00 KM.

Komisija za javnu nabavku imenovana je Rješenjem broj: 11-17-363/25 od 27.05.2025. godine.

Komisija za javnu nabavku dostavila je Zapisnik o otvaranju ponuda broj: 11-17-387/25 od 23.06.2025. godine, Zapisnik o pregledu i ocjeni ponuda broj: 11-17-389/25 od 24.06.2025. godine, Izvještaj o radu broj: 11-17-499/25 od 24.06.2025. godine i Preporuku za donošenje Odluka o izboru najpovoljnijeg ponuđača u postupku javne nabavke, broj: 11-17-498/25 od 24.06.2025. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 2;
- da su blagovremeno zaprimljene ponude - 2;

- da su neblagovremeno zaprimljene ponude- 0;
- da je 1 ponuda prihvatljiva;
- da je 1 ponuda neprihvatljiva/nepravilna.

Prilikom pregleda i ocjene ponude, Komisija je konstatovala sljedeće:

Ponuda ponuđača ZR „Servis za čišćenje i održavanje“ vl. Alić Adnan odbacuje se iz razloga što je nepravilna u skladu sa članom 68. stav (4) tačka (i), a u vezi sa članom 60. stav 1. Zakona o javnim nabavkama, odnosno jer je ponuđač u Obrascu za ponudu (Aneks I) u tački 5. naveo kraći period važenja ponude u odnosu na postavljeni zahtjev tenderske dokumentacije Ugovornog organa. Naime, u tački 5. navedenog obrasca ponuđač je naveo da „**Ova ponuda važi 90 dana od dana isteka roka za dostavljanje ponuda tj. do 17.09.2025. godine.**“

Navedeno je u suprotnosti sa zahtjevom iz tenderske dokumentacije odnosno tačkom 4.1. (Period važenja ponude) gdje je navedeno da ponuda mora minimalno važiti 90 dana i da ukoliko ponuđač u ponudi ne navede period važenja ponude, onda se smatra da je to onaj period koji je naveden u TD. U slučaju da je period važenja ponude kraći od perioda navedenog u TD, ugovorni organ će odbiti takvu ponudu. Pored toga, navedena ponuda odnosno ponudeni rok je u suprotnosti sa Obrascem za ponudu (Aneks I) u kojem je naveden sljedeći tekst:

Naša ponuda važi _____ (upisati i slovima _____) dana, od dana isteka roka za dostavljanje ponuda tj. do _____ (upisati datum).

Ponuda koju je ponuđač dostavio važi do 17.09.2025. godine, što je 5 dana kraće odnosno iznosi 85 dana s obzirom da je kao krajnji rok za dostavu ponuda u tenderskoj dokumentaciji naznačen **23.06.2025. godine**. U članu 60. stav 1. Zakona o javnim nabavkama propisano je da period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji, ali ugovorni organ ne može da utvrdi rok kraći od 30 dana. Ako ponuđač u ponudi ne navede period njenog važenja, smatra se da ponuda važi za period naznačen u tenderskoj dokumentaciji. Iz analize dostavljene ponude, pretpostavka je Komisije da je ponuđač rok računao od dana kada je izrađivao ponudu ali ne od krajnjeg roka za dostavu ponude, čime je napravio propust koji čini ponudu nepotpunom i neusklađenom sa zahtjevima iz tenderske dokumentacije.

U prilog navedenoj Odluci Komisije o odbacivanju ponude, ide i Rješenje Ureda za razmatranje žalbi broj: JN2-01-07-1-532-6/25 od 11.04.2025. godine u kojem je između ostalog zauzet stav “Uzevši da je žalitelj naveo period važenja ponude kraći od roka do kojeg bi ista trebala da važi, ugovorni organ se u smislu posljedica koja nastaje za takvu ponudu ispravno pozvao na postavljeni zahtjev iz tč.12. Tenderskog dokumenta, te u navedenom smislu, sagledavši sve okolnosti predmetnog slučaja, žalitelj nije uspio dovesti do drugačijeg činjeničnog pravnog zaključka” što je dovelo do odbacivanja njegove žalbe kao neosnovane.

Također komisija je kod oba ponuđača utvrdila da u Aneksu III i Aneksu IV nisu upisali broj „Službenog glasnika BiH“ u kojem je objavljen Sažetak obavještenja o nabavci broj: 14753-7-2-94-3-21/25. Imajući u vidu Rješenje Ureda za razmatranje žalbi broj: JN2-03-07-1-2932-9/20 od 19.11.2020. godine i JN2-03-07-1-326-9/21 od 11.03.2021. godine u kojima je Ured zauzeo stav da neupisivanje broja Službenog glasnika ne može biti razlog za odbacivanje ponude jer je riječ o beznačajnom propustu unutar dokumenta koji ne može uticati na valjanost dostavljene ponude, Komisija je jednoglasno utvrdila da razlog neupisivanja broja „Službenog glasnika BiH“ nije razlog za odbacivanjem ponude. Osim toga, Ponuđač ZR „Servis za čišćenje i održavanje“ vl. Alić Adnan, za razliku od ponuđača Eurosan d.o.o. Mostaru u Aneksima III i IV nije upisao niti broj Obavještenja o nabavci, međutim kako je isto naveo u Aneksu I, Komisija je također zauzela stav da navedeno neupisivanje broja Obavještenja o nabavci nije razlog za odbacivanje ponude.

Daljim pregledom i ocjenom ponude, utvrđeno je da je ponuda ponuđača „EUROSAN D.O.O. MOSTAR“ prihvatljiva jer ispunjava sve uslove tražene tenderskom dokumentacijom.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima. Uvidom u priloženu dokumentaciju, nesporno je da je izabrani ponuđač „EUROSAN D.O.O. MOSTAR“ najbolje ocijenjen zbog kriterija: „najniže cijene“ utvrđenog u Obavještenju o nabavci i Tenderskoj dokumentaciji.

Najniže cijene kako slijedi:

BROJ PONUDE	NAZIV PONUĐAČA	IZNOS PONUDE bez PDV-a	IZNOS PONUDE sa PDV-om
54/06/25 (broj protokola ugovornog organa 11-17-388/25 od 19.06.2025. godine)	EUROSAN D.O.O. MOSTAR	4.784,00	5.597,28

Iz navedenih razloga, primjenom člana 64. stav 1) tačka b. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.


Napomena: Napominje se izabrani ponuđač da dokumente navedene u tački 2.1.3. tenderske dokumentacije dostavi u roku od 5 dana od prijema Odluke o izboru najpovoljnijeg ponuđača, u radnom vremenu ugovornog organa, najkasnije do 16:00 sati u ulici Obala Kulina bana br.16, Sarajevo.



Dostaviti:

- Ponuđačima - 2x,
- a/a - 1x.

Potpis odgovornog lica


Zamjenik direktora